

蒙古沿革志

卷下

準噶尔厄魯特

蒙古

青海厄魯特

蒙古

蒙古沿革志

貳

蒙古沿革志 卷下

準噶尔厄魯特蒙古

準噶尔厄魯特亦蒙古也。元之亡蒙古遂分為三大部。漠南

蒙古漠北蒙古之喀尔喀皆太祖成吉思汗之裔也。元太祖國人

稱之曰成吉思汗。成或作欽。或作青。皆音之轉也。惟居西域者非

元太祖后乃出於脫歡太師及也先瓦剌可汗之裔。是為厄魯特

四衛拉蒙古。衛拉即瓦剌之轉音。國初惟漠南蒙古早結和親而

喀尔喀厄魯特两大部皆雄長西北。間通使問而間為寇。順治中



山左沈宗衍編撰
昆明陳繩甫校訂

663497

王師方定中原未遠。遠畧于是。厄魯特吞噬西北日漸強大矣。

初厄魯特四衛拉部曰。綽羅斯特牧伊犁。曰都爾伯特牧額爾齊斯。曰土爾扈特牧雅爾。曰和碩特牧烏魯木齊。和碩特固始汗于明末時襲據青海。又以兵入藏而滅藏巴汗。而有喀木之地。綽羅斯特則據伊犁。兼脅蒙部與喀爾喀。勢俱張。至康熙中。綽羅斯特渾台吉死。子僧格立。及僧格死。子索諾木阿拉布坦立。僧格弟噶爾丹殺之。自立為準噶爾汗。旋娶青海和碩特車臣汗女而襲殺車臣汗。而兼有四衛拉特。復南摧回部城郭。諸國盡下。其威令至衛藏。則又思北并喀爾喀。乃自伊犁東徙帳。并

使杜尔伯特部象屯田且耕且收以持其食。會喀尔喀土謝翁汗
執殺札薩克翁汗而奪其妻。三部內鬩。成。朝遣使偕西藏達
賴刺麻之使和解三部。噶尔丹使其族人多尔濟札布隨而跪之。
故使嫚罵土謝翁以激其怒。土謝翁汗果憤而執殺之。噶尔丹遂
藉報復。揚言偕俄羅斯兵且至。喀尔喀探之無其事。守備懈弛。噶
尔丹言之不已。喀尔喀益不信。噶尔丹潛遣刺麻千人游牧其地。
喀尔喀亦不為意。二十七年夏。噶尔丹領勁騎三萬逾杭愛山突
襲其帳而先入之。游牧刺麻從中應之。土謝翁汗倉卒遁。其子
噶尔旦台吉拒戰大敗。傾國東走。逢過我使臣張鵬翮等往俄羅
斯經其東部車臣汗地。喀尔喀遣使乞援。即揚言大國兵來救已。

非達務弟子
前已指出

于是噶尔丹亦俱書來使臣貝爾晚諭之。噶尔丹知戎兵之不為
喀尔喀救也。復援之。而破其鄰部右翼車臣汗左翼札薩克苗汗。
又劫其大刺麻哲十尊丹巴。為西藏達賴刺麻之大弟子。而為蒙古
各部所崇信者也。之帳。于是土謝翁等三汗部落數十萬象盡棄
牲畜帳幕。分路東奔。于九月投漠南款關乞降。聖祖命尚書
阿尔尼等發歸化城獨石張永二口倉儲。并錫茶布牲畜數十萬
以贈之。暫借科尔沁水草地使遊牧。噶尔丹亦遣使入貢。上
敕其率眾西歸。還喀尔喀侵地。噶尔丹既兼有回部青海漠北益
騎蹇不奔。命駐喀尔喀王庭。徵諸國為控弦之士數十萬。當
時為蒙古諸部之最强也。

康熙二十九年以追喀爾喀為名，乘銳東犯。五月侵及烏爾會河。在克魯倫河之北，下流入俄羅斯境。在喀爾喀東部車臣汗

境內。

尚書阿爾尼以蒙古兵擊之，令喀爾喀奪歸所掠牲畜。喀爾

喀貪利爭取，陣遂亂，反為厄魯特所敗。乘勝東趨內蒙古地方，是

時 朝廷已平三藩，定隴西蜀，收臺灣，和俄羅斯，天下無事。

聖祖以噶爾丹勢熾，既入犯，其志不在小，且喀爾喀不可使無

故地游牧也。于是集合各王公大臣下詔 親征 命撫遠

大將軍裕親王福全為左翼 皇子允禔為副出古北口。安北

大將軍恭親王常寧為右翼，出喜峯口。右翼兵過噶爾丹兵大戰

于烏珠穆秦 為內蒙古部落之一，在 盛京之西界，距古北口九

百里。秦一作心。而不利。收軍。準噶爾遂長驅而南。深入烏爾布通。

距 亦師僅七百里。遂改

命康親王傑書領右翼軍屯歸

化城。以要其歸路。我撫遠大將軍遇敵于烏爾布通。噶爾丹遣使
來言。追噶爾喀仇人。致入中國。汎界。非敢妄為也。請執土謝音汗
及其弟哲卜尊丹大刺麻。以畀我。當即班師。翌日我軍進擊。大戰
于烏爾布通。準噶爾大敗。遂乘夜走保高隄。翌日遣西藏刺麻濟
隆來軍。軍詞乞和。奏 聞。 詔速進兵。毋墮其計。而噶爾丹

不俟報。即拔營由克什克騰部之汗穆楞河。載木橫渡。越大磧山
宵遁。所過皆燒一空。以絕追騎。逾數日。我師輕騎追之。已不及。噶
爾丹中途遣使獻書。頂威靈佛誓。言不犯邊。并具書謝罪。科尔沁土

謝尚親王謀羈留之而噶爾丹逸不止且盡失負駝無輜重奔絕
漠而北沿途飢蹙死亡得還科布多者僅數千人時上偶不
豫自卜洛河屯回鑾諸臣不及奉進止而歸化城西路兵及
科爾沁諸蒙古兵以奉豫親王請和之令遂不復邀擊也

康熙三十一年五月噶爾丹遣使至歸化城聲言入貢男婦
接踵而至者達二千人將軍費揚古遣兵迎詰且過之詔責

還其使三十三年約噶爾丹來會盟而不報且遣兵侵掠噶爾喀
益甚屢書索土謝尚汗及哲卜尊丹大刺麻益急且言我使臣因
噶爾丹元子策妄拉布坦為噶爾丹所走乃遣使入貢故我亦遣
使報之于是為導噶爾部所害並遣使誘內蒙古各部叛歸已科

尔沁土謝者汗親王等皆以奏聞。

聖祖以前以烏蘭布通之

役準噶爾幾可滅我師生失機會欲復致其來一戰覆之以一勞

永逸也。乃密令復書偽許內應而預調士馬芻糧以待。三十四年

噶爾丹果率騎三萬人入寇沿克魯倫而下。克魯倫河在喀爾喀

東部率臣汗境內其水流入黑龍江。

侵畧至巴顏烏蘭。自秋徂冬

踞之不去亦不犯內蒙古。乃遣使往激之噶爾丹令使者徒步歸。

且大言借俄羅斯火鎗兵六萬將大舉內犯。蓋以前之敗乃火器

不如中國故伴假西洋火器以張其勢。其實俄羅斯並無助也。且

噶爾丹懲前敗而存畏懼故亦未敢深入。明年春

聖祖復禡

牙親征

皇太子留守

京師命將軍薩布素率東山三萬

兵出東路過其衝。大將軍賢揚古振武將軍孫思克率陝甘兵出
寧夏西路以遮其歸路。

上親統禁旅由獨石口出中路皆赴

瀚海而北。約期夾攻。沙磧不宜車。留大砲。惟駝子母砲以行。每駐營

上親附士卒相水草。軍行瀚海泉溢芻生。遂由科肯進偏準

噶爾部境。而東路軍尚未至。西路軍亦奏言噶爾丹盡焚草地。我

軍迂道秣馬糧運阻。師行七十餘日。士馬銜困。乞

上緩軍

以待。途次復有傳俄羅斯助兵之言。大學士伊桑阿等力請回鑿。

上怒曰。朕祭告天地。太廟出征。未見敵而返。何以對天下。

且大軍退則敵盡銳注西路。則西路軍不其危乎。遂率兵疾趨克

魯倫河。手繪陣圖指示方略。從行大臣有言宜俟西路兵至而合

擊者有言宜出其不意前突擊者有言宜先遣使告以駕至俟

其驚擾而後乘之者

上命諸

皇子議之定計遣使噶爾

丹尚不信登北孟納蘭山望見

御營黃幄龍轟環以慢賊又

為網城軍容山立乃大驚拔營宵遁翌日大軍至河則北岸已無

一帳克魯倫河者起車臣西界東北近黑龍江橫亘于瀚海之東

北二千里乃內外蒙古之界也。上初意賊必扼河拒戰故兩

路出師攻其腹背及是知敵止喪膽遂命領侍衛內大臣馬

思哈搜討巴顏烏蘭近地。上親率前鋒追之三日至拖諾山

不及而還。命內大臣明珠盡運中路之糧以濟西師敵奔馳

五晝夜中欲拒戰于拖諾山而泉奔不能止沿途遺老弱輜重皮

漿渾脫無算。適我西路兵邀之于昭莫多。蒙古語大樹林也。即明成祖破阿魯台地。在肯特嶺之南。土臘河之北。汗山之東。平曠饒水草。回望大嶺。千仞如屏。為自古外蒙古戰場。時敵軍至者僅萬人。然皆百戰之士。大戰一晝夜。我軍勇猛進擊。敵遂敗潰。斬數千級。降三千。並獲馬駝牛羊。盧帳器械無算。并殪其可敦。阿奴。案可敦。阿奴者。即準噶爾稱其汗之妃也。唐書。回紇君曰可汗。妃曰可敦。或作哈屯者。音之轉也。

頡魯欲戰。披銅甲。佩弓矢。騎異獸。似駝而非駝。精銳悉隸麾下。至是亦斃于砲。噶爾丹僅以數十騎遁走。

當準噶爾初破喀爾喀之後。戀漠北地。久不歸。其伊犁舊部落。盡為瓦子策妄阿布坦所并。自阿尔泰山以西。皆非已有。又連

多

多

年與中國戰，精銳喪亡，牲畜皆盡。回部青海、哈薩克皆隔絕叛去。
 至是欲西歸伊犁，則畏策妄阿布坦之倡，欲南投烏斯藏，則道遠
 不能至。欲北赴俄羅斯，而俄羅斯拒不受。聞翁金河有我師餘糧，
 運回寧夏，噶爾丹乃遣兵數千于山谷中，突出掠之。又為我副都
 統祖良璧與護糧兵前後夾擊所敗，欲掠喀爾喀之出游牧者，聞
 有備，亦不敢犯。其遣赴西藏之使，又為我副都統所擒。至是其所
 屬部落，或僅千人，或數百人，且皆老弱，自相盜羊馬。上乘其
 窮，咸欲降之。乃于九月，駕再幸歸化城，駐蹕鄂爾斯，諭青海
 諸台吉與策妄阿布坦、噶爾丹，遣使遺其党與，準噶爾諸台
 吉絡繹來降，致噶爾丹盡喪其羽翼。乃遣使詣鄂爾斯，旗行在，探

中國意。

詔數其犯汎界之罪。又許以待喀爾喀恩例招撫之。

否則遣兵。噶爾丹感服。

聖祖命理藩院自獨石口至寧夏設

驛以待。

車駕旋京師。而噶爾丹竟偃蹇。卒不至。三十六年春

二月

駕復渡黃河。幸寧夏。命馬思哈、費揚古兩路進兵。噶爾

丹使子塞卜騰巴珠微糧于哈密。為回人擒獻。所掠薩克喀里之

地野獸已盡。左右親信數台吉亦面懟。聞大兵將至。先後望風款

附。密為嚮導。大兵深入。又策妄河布坦擁精兵伏于阿爾泰山

將擒準噶爾以獻功。致使進退無地。不知所措。每夕或數驚。所至

處朔造怪異。烈風淫雨隨之。自知人叛天亡。旦夕必受俘。遂仰藥

死。時

上自寧夏循賀蘭山出邊。而費揚古以噶爾丹自伏天

誅。奏其下丹濟臘以其尸及子女來獻。至阿爾泰山為策妄阿布
坦奪而獻諸朝。其所部盡降。于是自阿爾泰山以東皆隸版
首。拓喀爾喀西境千有餘里。

當準噶爾汗僧格初死。其弟噶爾丹殺僧格長子而自立。僧
格次子策妄阿布坦與其父舊臣七人逃居土魯番。遣使乞降。

聖祖卯而翼之。使勸力擒仇。策妄乘噶爾丹南侵敗北之際。潛
回伊犁。游收卜羅塔拉河。用其七友收集散亡。杜爾伯特諸台吉
從之。闕地至額爾齊斯河。遂有準部大半。及康熙三十六年大軍
殄滅噶爾丹時。伊犁數千里空無主。策妄生聚未盛。中國方乘屢勝
之勢。若驟進大軍收其部落。漢其羽翼。成以偏師立可郡縣版籍。

聖祖以其曠莽遠隔，骨騎輸。又策妄方獻噶爾丹之尸，外剝
眈，遂盡阿爾泰山以西至伊犁，捐俸游牧，復成大部落。策妄既有
準部，則盡反噶爾丹所為，思吞并四部為一。先取土爾扈特阿玉
奇汗女，乃離間阿玉奇子，撲象萬五千戶，至而沒入之，旋阻其貢
道，禁不入藏。熬茶阿玉奇遂全部投俄羅斯，復娶和碩特拉藏之
婦，而贊其子名丹衷者，于伊犁乃潛師入藏，襲殺拉藏汗，並掩殺
其次子之在青海者。其杜爾伯特本從弟妄分收額爾齊斯河之
為所屬，至是土爾扈特和碩特二大部復為所并，遂自立為汗。

康熙五十八年

聖祖以策妄阿布坦左右各并，馳突奔

逸，將不可制，乃

命皇十四子為撫遠大將軍，視師青海，遣兩

將軍分屯阿里坤及阿爾泰山以表其西。又西軍自四川青海西路入藏。擁立達賴利麻。盡逐準噶爾之衆。絕其南牧。六十一年進軍烏魯木齊。以伊犁隔三額之險。故未犁其庭。而哲卜尊丹巴胡土克高復化為請罪。上因宣諭之。令自戰地漸而撤歸師。時惟準噶爾桀橫難服。而和碩特柔順易馴。故朝廷惟捍準噶爾以拱植和碩特心。

雍正初青海羅卜藏丹津之叛。準噶爾事載青海厄魯特蒙

古策妄阿布坦納之。朝廷遣使索獻不奉。詔亦不敢犯

邊。我朝乃罷西歸。惟于哈密巴里坤吐魯番及布隆吉河各

留戍兵防秋。五年冬策妄阿布坦死。子噶爾丹策零立。狡黠好兵

如其天。屢犯邊。七年

上議討之。時大學士朱軾都御史沈近

思皆以為天時人事未至。都統達福亦力言準噶爾能用舊臣未

可省也。惟大學士張廷玉力贊用兵。于是以傅爾丹為靖邊大將

軍屯阿爾泰山。出北路。以岳鍾琪為寧遠大將軍。屯巴里坤。出西

路。以征準噶爾。告

太廟堂子

上御太和殿行授鉞禮。遂

御長安門外黃幄親視。大將軍上馬啟行。大雨如注。旌纛皆濕。識

者以為不祥。會羅卜丹藏津與其族羅卜藏舍標謀殺噶爾丹策

零。事覺被執。八月噶爾丹策零遣使表獻丹津。中途聞師出而止。

諭西大將軍暫緩出師。于八月五日來京。

而授方畧。以

提督紀成斌為副將軍。巴賽護其印。時科含酋收場當準噶爾東

路距大營遠

案哈密至巴里坤中有科舍翁嶺以隔之。蒙古以碑

為科舍翁。是以嶺上有唐裴行儼西征碑也。其嶺南設三臺至哈

密。嶺北設三臺至巴里坤。

而紀成斌又不設備。策零遣兩萬人于

是冬乘虛突劫科舍翁牲畜。總兵樊廷副將治大雄以兵二千拒
之。總兵張元佐赴援夾攻。力戰七晝夜。拔出西卡倫兵。奪還駝馬
大半。詔樊廷等而降紀成斌為副將。命北路副將軍

查納弼馳赴西軍。又調滿洲蒙古兵一萬一千赴滿海以衛內蒙
古游牧之地。九年四月博爾丹進城科布多。科布多河在阿爾泰

山之東北三百餘里。

六月噶爾丹策凌遣大小敦多小策凌以兵

三萬犯北路。先遣謀保為先獲。說言厄魯特大隊未至。其前隊千

摩

餘人駝馬兩萬，右博克托嶺，即阿爾泰山之東幹。距我軍三日之程。因以傅爾丹勇而無謀，遂信之。即以兵萬餘徑襲其營。副都統定壽、永國、海壽等交諫不聽。敵以少兵，牲膏誘我，而伏兵二萬于谷中。俄胡箭遠，作旣表，四合乘高突衝，遂圍我前鋒四千人于和通河。右科布多西二百里。萬矢雨集，象寡不敵。傅爾丹以後軍往授而敵已潰。我參贊之師，且有犯大營。傅爾丹即命索倫、蒙古兵先禦之。科尔沁、蒙古樹紅、蘇先、靡而道、土默特、蒙古樹白、蘇奮、靡敵壘，索倫兵但知蒙古兵已敗，誤呼曰：白蘇兵陷敵隊矣。諸軍遂大潰。終夜甲仗聲不絕。惟滿兵四千衛輜重，且戰且退。渡哈爾納河，副將軍巴賽、查納弼以下皆戰死。七月，還科布多者僅二千人。

準噶爾所獲我士卒皆穿脛盛以皮囊繫馬後唱胡歌而返。蒙古
科爾沁王區崔符中免出。傅爾丹反信其言謂白轟先懸竟執土
默特公沙津斬之。士卒皆憤。岳鍾琪聞北路被圍乃使紀成斌進
攻烏魯木齊以分敵勢。而準噶爾已委成先徙而一無所得。

詔降傅爾丹為振武將軍以順承郡王錫保代之。並斬先遁之參
贊陳泰。殺科布多營于察罕。庾爾。在科布多東南二百里。又以

馬爾賽為撫遠大將軍駐歸化城。方是時準噶爾亦西路備兵。令
諸台吉環峙烏魯木齊以伺我西路。又屯田于鄂爾齊斯河以窺
我北路。因北路鄰喀爾喀部故為其所轄境也。于是策凌兵乘勝

謀克托喀爾喀以察罕。庾爾。科布多皆有。大軍乃取道阿爾泰。



泰山迤南一由小額爾齊斯河一由大額爾齊斯河。親額爾齊斯

河有二源故分屯二地也。小策零以精騎六千深入而大策零擁

二萬人于蘇克河勒達以援應我郡王額駙策凌與親王丹津多

爾濟合兵迎擊于鄂登楚勒河遣六百騎宵入賊營挑戰以誘其

來追而以伏兵擊之遂大破其衆乃晉封額駙為和碩親王于推

河翁金河及拜達里克河三處各築城。三河皆在賽音諾顏之境

內拜達里克河在攤河西二百里在鄂爾坤河西二百餘里翁金

河在鄂爾坤河東南三百餘里。與察罕度嶺之大營為犄角乃

命馬爾賽以綏遠將軍移守拜達里克城以扼山南之衝十年

七月噶爾丹策零親率大衆由北路傾國入寇繞避科布多察罕

右

庚大營取道山南潛至抗愛山掠哲十尊丹巴大胡土克肯之北。
時哲十尊丹巴已徙帳多倫泊遂空無所得。八月揮和顏射策凌
軍赴本博肯山遂突擊其帳于塔密爾河盡掠子女牲畜。顏射中
途聞報即斷髮及所乘馬尾誓天退旂馳救并急報明承親王請
師夾攻。策凌自統其部三萬人間道出山背于黎明即進擊。準噶
爾兵自營中起人不及弓馬不及甲進擊于喀喇森齊泊大戰二
日準部大敗乃遁至鄂爾昆河之抗愛山即古燕然山之南麓也。
其地石阻山左福水道狹不容大衆又橫亘以大刺麻毒致兵無
走路而追兵又至。噶爾丹策凌乘夜遁推河盡棄輜重牲畜寒滿
山谷以阻我師。策凌急檄烏爾壽于拜達里克河邀其歸路。時拜

達里城。中兵萬三千。若以數千兵邀擊。則可令準部一騎不追也。

準噶爾自受創後。遂遠徙。不敢深犯。詔罷西征軍。遣侍

郎傅原及學士阿克敦報之。先量撤西路兵。北路築城于鄂爾坤

河。留戍兵七。田防秋。西路則成喇審里坤。而準噶爾欲得阿爾泰

山故地。廷議不許。使命往追。二載始定議。以阿爾泰山為界。

凡魯牧游牧不得過界東。噶爾喀游牧亦不得過界西。至是界議

遂定。

宗衍曰自 聖祖殄噶爾丹。追噶爾喀牧地。斥地至阿

爾泰山。屯兵于科布多。皆昔準噶爾之築穴。休士馬。治弓矢

之地。距昭莫多一千數百里。已軼入準噶爾之東界。距初罕

格

僅千餘里矣。超勇親王策凌曾奏言喀喇喀爾喀牧場時尙
未至阿爾泰山。而準噶爾亦再三爭執阿爾泰山為其先世
舊壤。以山川形勢而論之。中國水之入北海者有二。一則準
噶爾之鄂爾齊斯河。一則喀爾喀之色楞河。而上騰河。鄂爾
坤河之水皆入色楞格河。河寬五六十大。水頗清急。皆發源
于中國。而經俄羅斯入北海。西山之間必有山川。則西川間
亦必有大山。故鄂爾坤河之東為興安嶺。至海。黑龍江瀕海
凡一千餘里。為蒙古滿洲與俄羅斯之界。是為大漠東北之
一大幹。鄂爾坤河以西。額爾齊斯河以東。則阿爾泰山至杭
愛山一千餘里。為喀爾喀蒙古與俄羅斯之界。是為大漠西

北之一大幹也。再西則為葱嶺，乃萬山之祖，而哈薩克準部與俄羅斯之界矣。戎朝與準噶爾兵爭皆在阿爾泰山。至杭愛山之一幹內。索杭愛山形似馬鞍，蒙古語馬鞍曰杭愛，以形似而得名。阿爾泰山即唐史所謂金山也。高入雲霄，山重斗絕，為西北諸山之大宗。其北支循額爾齊河而入俄羅斯之境。其南支一則橫截大漠，一則東達杭愛山而為回訖牙帳，及元之和林。歷代漢北建庭之所。自康熙用兵修攘，恢復會齊音諾顏部而準噶爾不敢南牧，蓋地利形勢然哉。咸知今上拓新疆地二萬數千里，然準噶爾與回部其東西六十餘里，南北三千餘里，徑一圍三，故得周二萬餘。

里也。康熙中敗西藏，東西南北各五六千一，是已。六二萬餘
里。又收青海，收喀爾喀，青海東西南北各二千餘里，喀爾喀
東西五千餘里，南北三千餘里，其圍又逾二萬里。則康熙中
已拓地至四萬餘里矣。今治內外蒙古，如郡縣，為歷古所未
有，誠大矣哉。

準噶爾白噶爾丹死後其後三世亦皆身雄能用其衆乾隆
 十年準部又亂初噶爾丹策零有子三人次子那木札爾以母貴
 嗣汗位昏庸無行恣睢狂惑其同母女兄約束之及稍長遂以纜
 幽其女兄多殺宰桑于是其女兄之夫與諸台吉攻殪之立其庶
 兄刺麻達爾扎而大小策零两部之裔則欲擁立其弟策妄達什
 夫小策零者皆名數多十準部同族台吉以謀勇為策妄父子兩
 世將兵而破衛藏東摧蒙古之大功臣也故大策零之孫達瓦齊
 與小策零之子達什達瓦等皆為國人所嚮亦皆為刺麻達爾扎
 所忌。策妄五達什與達什達瓦復被翦鋤于是達瓦齊與其克阿
 睦撤納奔哈薩克阿睦撤納者欲拉藏汗孫丹衷之子而策妄那

布坦之外孫也。丹哀娶蒙古之女。先生子名班珠爾。而丹哀被戮。復有遺腹。改適輝特部酋而生阿睦撒納。及長而

見準

噶爾部內亂。欲搆使內訌而已。則乘其釁。初謀擁立策妄達什不遂。復挾達瓦齊以逞。刺麻達爾扎。遣台吉將兵三萬搜討二人于哈薩克。期必獲以除後患。阿睦撒納遁還舊游牧地。而潛簡精銳一千五百人。由闊勒奇山路裹糧。晝伏夜行。突入伊犁。誘其心腹為內應。遂襲殺刺麻達爾扎。以己為和碩特種。故國人未附。乃推立達瓦齊為汗。達瓦齊族貴而無能。旋為小策妄之孫濟噶爾所攻敗。兩首爭立。各徵兵于諸部落。而諸部莫知適從。遂大亂矣。

阿睦撒納復為該降濟噶爾。而還達瓦齊于伊犁。特攻益驕。

策初四衛拉兵以伊犁為最強阿睦撒納時為輝特台吉居雅爾
即塔爾巴哈台在伊犁北與哈薩克連界塔爾巴哈台者蒙古語
多水獺也。在伊犁東北一千九百里。其同母兄班珠爾為和碩特台

吉居庫爾烏蘇又取杜爾伯特台吉達什之女乃龍衣殺達什脅降其
子納默齊爾而自遷帳于額爾齊斯河阿睦撒納令行三部逐侵掠
伊犁邊境二人復大隙達瓦齊三遣兵討之皆不克乃自領精兵
三萬歷額爾齊斯河又使其驍將瑪木特統烏梁海兵八千東西
夾攻阿睦撒納不能抗遂與納默齊班珠爾二台吉共率所部兵
二千口二萬束奔回國內附時乾隆十九年秋也。

當達什達瓦之死其宰桑薩喇爾等率千戶來降達瓦齊之

篡其杜尔伯特台吉三軍後等率三千戶來降。

上詢悉其內

亂先封降人邱其都魯並調西北二路士馬屯邊而阿睦撒納復

率輝特和碩特杜尔伯特三部至

上久知其為都魯所畏服

可驅策為嚮導且天時人事輻輳宜乘机大舉以雪

兩朝之

憤詢謀于廷而群臣懲雍正九年博克托崩之敗以謀入為險惟

大學士傅恒主因間出征與

上意合尚書舒赫德定邊左副

將軍策楞奉命受降輒請留其頭目于烏里雅蘇台軍營而部落

悉內徙使其不得聚而生變

上斥其猜貳嚴詰之以尚書班

第往代俾暫駐收于喀尔喀之札十坦河阿睦撒納入

覲熱

河備言伊犁可取狀

上喜封親王並封二台吉為郡王既準

迷

彌

部驍將瑪木特見諸台吉相疆內附必百大兵知準噶爾事不可
為而慮瓦齊不可輔亦脫身來歸于是準部之爪牙心腹盡至且
指畫準部形勢如在目睫定議明秋大舉直搗伊犁阿睦撒納及
瑪木特以為塞外秋穡時我馬肥彼馬亦肥不如以春月乘其未
備且不能遠遁可一戰以擒之無後患又準部東境以額爾齊斯
河與中國為界本杜爾伯特原屯地近接阿爾泰山可屯田以
備餉宜先遣兵萬人據形勢而大兵二萬整隊繼進上從
之二十年二月西路出師班第為定北將軍出北路以阿睦撒納
副之額駙科尔沁親王色布騰郡王成衮札布內大臣瑪木特為
參贊永常為走西將軍出西路薩賴爾副之郡王班珠爾貝勒札

拉薩五阿內大臣鄂容安為參贊。西副將軍各領前鋒三千。先進將
軍參贊繼之。降三車後。納密庫等皆以所部兵從。兩軍各二萬五
千。馬七萬匹。西路出巴里坤。北路出烏里雅蘇台。各擄。兩月之糧。
約會博羅塔拉河。時西副將軍皆準噶爾渠帥。建其舊寨。先進各
部落望風崩角。其同族大台吉噶爾藏多爾濟及舊回苗和卓木
先後迎降。于是所至台吉。宰桑或數百戶。或千餘戶。撲。爾。酪。猷。羊。
馬。絡。繹。道。左。師。行。數。十。里。而。無。一。人。抗。顏。行。者。五。月。朔。長。驅。至。博
羅塔拉河。距伊犁三百餘里。兩軍皆會。遂大破之。達瓦齊遁。冰嶺
南。遁。入。回。疆。其。下。半。途。逃。散。僅。餘。百。騎。為。烏。什。城。阿。奇。伯。木。克。霍
吉。斯。斯。擒。以。獻。并。獲。前。青。海。叛。逆。羅。十。藏。丹。津。上。皆。赦。其。死。

卓

論功行賞。首獎大學士傅恒。襄之功。再加封一等公。固辭不受。班第封一等誠勇公。薩頓爾一等壯勇公。而阿睦撒納晉封雙親王。食雙俸。其後達瓦齊霍吉斯亦皆賜封親王。入旗籍。又釋放回前大小和卓兄弟。在伊犁者。使歸舊部。于是天山南北二路皆定。

初。回銜拉之分部也。綽羅斯治伊犁。和碩特治烏魯木齊。杜

爾伯特治額爾齊斯。土爾扈特治雅爾。土爾扈特北方輝特治之。部各有汗。非君臣之分也。自綽羅斯渾台吉汗侶盛。伊犁始為四部盟長。抗禦中國者數世。上欲俟事定。仍象建。而分其力。而

阿睦撒納志未厭。必欲為四部總台吉。專制西域。特欲出自

朝命。則後無患。乃自昵于額駙科爾沁親王。使與班第為難。而以

已情託其歸奏。時班弟鄂容吾留伊犁等善後。阿木撒納輒隱以
總自處。擅誅殺擄掠。擅調兵不服。賜衣翎頂不用。副將軍印自用。
渾台吉菊形篆印。移檄各部落。諱其降言。統領滿漢。求古未平此地。
又陰使哈薩克布魯特流言。非已總四部。則邊不得安。與其党晚
夜聚謀。說秘叵測。將軍參贊先後密奏。前有旨令阿睦撒納

于九月至熱河行。飲至禮同。四部台吉受封。而阿睦撒納前額駙
約期七月下旬。俟命額駙歸。不敢奏。至期無信。而入覲。迫班弟乃
趣之行。令喀爾喀親王額林沁多爾濟與之俱。旋奉旨以阿
睦撒納逆形已著。宜乘其未發。誅之。如已入都司。追及則追。誅之。
時阿睦撒納已就道。且有哈薩克貢使隨行。班弟恐哈薩克驚疑。

遂不敢發。阿睦撒納中途遷延。及八月中旬尚無信。疑事且中變。
十九日行至烏隆古河。距其扎布堪河舊游牧不遠。乃詭言暫歸
治裝。以副將軍印交額林沁。使先行。有降夷首其謀。額林沁不信。
竟縱之去。由額爾齊斯河間進北逸。遣使迎其妻於扎布堪河。則
上已密諭烏里雅蘇軍營。并其弟班珠爾收之。不半日而賊
使果至。得不逞。阿逆以下皆稱阿逆。四出煽亂。伊犁諸刺麻、宰桑

劫掠軍台。遂起應之。時大軍已撤。僅五百兵留伊犁。歸路斷。又厄
魯特與阿逆不合者。阿逆先以計遣入朝。所留皆其党羽。班第鄂
容安等力戰走二百餘里。被圍死之時。阿逆竟羽不過二千餘。屯
博羅塔阿拉河。各部皆不敢從。副將喇薩喇爾陷賊中。復潛約宰

柔刺麻與戰而將軍永常西路勁旅數千屯于烏魯木齊附也台
吉寧柔數千咸投赴驅使策用之魚程征剿立可撲滅永常反疑
懼退卻自水壘南退軍巴里坤并移軍糧于哈密故北路無聲援
致阿逆益猖獗上乃以先後勅除阿逆密言及班弟等狐疑
之章奏示中外黜額駙親王爵赴軍效力賜額林沁自盡建永常
治罪以第標代之玉保富德達爾党阿為參贊西路逼進討逆前
後數十百戰大破之阿逆僅攜八人徒步夜走俄羅斯界我
朝移檄索之是冬報阿逆患痘死移尸于近邊命喀爾喀親
王侍郎三泰等馳驗以聞于是命成衮札布以定邊左副將
軍歸鎮烏里雅蘇台而兆惠富德留軍度冬將歷年剽掠台站

之瑪哈心與煽亂助逆之刺麻搯比擒滅無遺焉。計厄魯特四部
中惟杜爾特部徙科布多以來之拜達里克河以車後始終無二
乃保全。又達什達瓦之妻當伊犂侵擾先率所部叩關來投徙熱
河編旗籍。又舍楞率所部二千竄土尔扈特皆得追誅而和碩
特之沙克都汗不從叛率部自拔內投巴里坤復為都統雅爾沙
善襲坑之。上旋鑒其枉于四部中為不幸也。

準噶爾初有宰桑六十二 即管軍官 新舊鄂拓二十四 即為

其汗之部屬也。昂吉二十一 即分支也 乃各台吉所有之戶下集

寮九 即辦供養刺麻事務 共計二十餘萬戶六十餘萬口。至是役

後以痘死者十之四。竄入俄羅斯哈薩克者十之二。殲于大兵者

十之三。除婦女充賞外。至今。東降受屯之厄魯特僅約二萬戶。編設佐領昂吉。此外數千里間。無瓦剌一旣帳也。

綽羅斯部舊地。設總統伊犁等處將軍節制南北路。同參贊大臣駐惠遠城。領隊大臣五。其一駐惠寧城。又于杜爾伯特部舊地設烏魯木齊都統一。領隊副都統一。迪化綠營提督一。巴里坤領隊副都統一。古城領隊副都統一。庫爾喀拉河領隊大臣一。又于土爾扈特及輝特舊游牧地設塔爾巴哈台參贊大臣一。領隊大臣二。又置迪化州于烏魯木齊。設鎮西府于巴里坤。改安西府為安西州。裁安西道。凡伊犁所屬城九。烏魯木齊屬城十有六。而屯堡皆屬天山北路也。其北盡俄羅斯界。東盡喀爾喀界。西盡厄

魯特界南也烏斯藏及青海東西七千餘里南北三千餘里。

宗衍曰漢之西域前稱山北六國後又稱車師按六國車師有前後部前五庭則今吐魯番後五庭則今烏魯木齊也其西為烏孫則今伊犁其北為北匈奴也則今塔爾巴哈台也皆為天山北路行國非居國當其阻于風氣間于山川戎朝亦嘗勒天下之力以經營之幾與漢世匈奴大充無

異也。今我國京戶口日盛土滿人滿而西域南北二路地大物博牛羊麥麩蔬菰之賤澆植貿易之利金礦銅礦之旺徭役賦稅之簡外番茶馬布緞互市之利又皆什百內地邊民貿易牽牛出關后輒關汗菜長子孫百無一反是天留未闢

勤

之鴻荒為 盛世消息尾閭者也。若一旦^三迫天時順人事而列
亭障置郡縣是吾輩所望焉。

青海厄魯特蒙古

青海厄魯特者古為西海郡在西寧府西三百餘里其水周
七百餘里群山繞之澗而不流中有二島不通舟楫惟水合可通
即弱水也蒙古語曰庫克澤爾即青海之異名也海中有二島一
曰察漢一曰托羅故海亦以名焉其南一百里有鹽池而非此海
也環海而居者皆蕃族分左右二境下界海岸上界湟水其地西
界回疆南界衛藏北界玉闕袤延二千餘里至
京五千餘里

鮮海即西海
之音轉

漢時為鮮海諸羌也唐以前為吐谷渾至唐末并入吐蕃于
是崇佛成俗始隸于衛藏明時置西寧河州諸衛領以番酋授以
國師禪師之號而不相統屬以渙其勢其後為套酋俺答所并而

又再并于厄魯特固始汗，一作顧寔汗，于是始變為蒙古矣。

和碩特者舊本四厄魯特之一也。準噶爾治伊犁，杜爾伯特

治額爾齊斯河，土爾扈特治雅爾，即塔爾巴哈台地，而和碩特自

烏魯木齊徙治青海，然青海分部而處，亦雜有四厄魯特之衆，惟

和碩特設札薩克二十有一，為元太祖弟哈薩爾之裔，與內札薩

克科爾沁等八部同族，十九傳至明末，固始汗自西域入據青海，

遂分部衆為二翼，以其子十人領之，除分附察哈爾一旗及分牧

阿拉善一旗外，餘八旗皆為青海和碩特蒙古，其土爾扈特之四

旗、準噶爾、綽羅斯二旗、輝特一旗，則出于元太師脫歡之裔，分牧

西域至國朝始置其降衆于青海，惟杜爾伯特十四旗留科布

多之東不居青海。又有喀爾喀一旗，大刺麻察罕諾們汗一旗，雖居青海而回牧別族。其餘則統稱曰厄魯特云。

我 太宗崇德中，固始汗強盛，遂侵唐古特。即西藏，擊敗

藏巴汗，乃遣使自塞外通貢，并請發帑存問。達賴刺麻。順治初，又導達賴刺麻入覲。詔封遵文行義敏慧固始汗，賜金冊金印。

及乃矢甲冑。順治十三年，固始汗卒，是為國朝通青海之始。

亦為青海厄魯特之始也。

康熙五年，青海各部遷屯祁連山，縱牧內地。大草灘，聲言將入寇河州、臨洮、鞏昌、西寧、涼州諸地。提督張勇請自都口、西水關至嘉峪關築邊牆，以限內外。六年，又欲入寇，而未果。十四年，為王

輔臣所煽復犯河西皆奉還賴刺麻撤諭而止獻駝馬牛羊謝罪
出塞蓋于中國尚屬羈縻也。

康熙十六年準部噶爾丹襲殺西套鄂盧魯汗青海和碩特
諸吉台懼孛帳數千避居大草灘遂漸為內附之始矣。

十七年噶爾丹將侵青海而懼中國甘肅關外兵以斷其後
乃遣密使與諸台吉議婚欲使戴中國而歸已也。及至二十九年
大軍敗噶爾丹于烏蘭布通青海諸台吉附遣賴刺麻表上尊號
卻之。是年十月出使西域學士達瑚郎中桑格歸至嘉峪關外為
西藏番羅十藏所劫提督孫思克聞報即遣將擊朱應祥以計誘
其宰桑質于關內始還我使臣別遣將士搆其策穴斬截四百餘

並盡奪所有以償前掠。三十五年

御駕親征。噶爾丹獲青海

通噶爾丹使遂遣使宣諭諸部集盟于察罕托羅海。告以鄂齊首
汗世仇。約共擒噶爾丹。時有善巴陵堪布。案堪布者即內地之方
丈。乃達賴所遣理青海蒙古事務者也。與諸台吉等集盟壇。遂遣
使賀捷。三十六年春。上視師寧夏。

詔秩凌入覲。

京

師。十二月大閱于玉泉山。陳軍容以示之。

詔封固始汗子達

什巴噶為和碩親王。其餘受貝勒貝子公爵有差。群臣以收青海
全部請上尊號。不許。自後青海始為近藩而入我國版圖矣。

當是時策妄阿布坦將噶西藏。惡諸台吉內附。說請討青海前
助噶爾丹罪。詔斥之。三十九年。唐古特拉藏汗襲殺第巴而

準噶爾兵侵青海掠駝馬

詔西安兵會青海左翼四川兵會

青海右翼嚴防并集諸台吉定盟而策妄阿布坦兵已襲西藏察

罕丹津謀誘其兵至青海迎擊之而策妄不敢至五十六年撫遠

大將軍

皇十四子統兵于西寧集兩翼王公台吉宣諭各率

所部送裏塘達賴刺麻

時達賴避居于裏塘也入藏五十九年蒙

古從大軍大敗準噶爾于西藏新達賴登位

為第六世呼畢勒罕

詔留兵二十七于青海以防準噶爾之侵也

雍正元年青海有羅卜藏丹津之叛案羅卜藏丹津者固始

汗之孫也其初青海隸于西藏故與喀木藏衛舊稱唐古特四大

部明崇禎時固始汗自甘涼塞外橫侵據之以喀木糧富而青海

廣漠故令子孫游牧青海而喀木納其賦惟以藏衛二部給遼賴
班禪。順治十三年因始汗卒其裔分二支在藏者為拉藏汗在青
海及河套者為鄂齊翁汗為阿拉善王尋鄂齊翁汗為噶爾丹所
破來阿拉善。聖祖賜以賀蘭山游牧地青海汗絕及。聖
祖出塞青海因始汗子孫八台吉親入。魏時因始汗惟產什
巴噶尚存賜爵親王餘授貝子貝勒公爵又預平西勳功于是八
家復振噶爾丹及策妄兩世覬覦青海皆震懼中國軍威不敢犯
休養百載捍蔽西陲雖藏中和碩特末年為策妄所侵而青海之
和碩特仍如故也。至是達什巴噶之子羅卜藏丹津襲親王爵從
大軍入藏歸以青海及唐古特舊皆和碩特部屬而已乃因始汗

西陲無薊州

嫡孫陰覬復先人霸業總長諸部乃于雍正元年夏誘諸部盟于
察罕托羅海令各仍故其說不得復稱王貝勒公等爵而自號達
賴渾台吉以統之欲脅諸台吉奉己如鄂齊爾汗據唐古特以遙
制青海親王察罕丹津郡王額爾德尼不從遂受羅卜藏丹津之
兵倉卒不能抗秋八月掣象內奔薊州關外詔許其象入邊
復命駐西寧之侍郎常壽往諭反為丹津所執初青海有大刺麻
曰察罕諾們汗者自西藏分支住持塔爾寺為黃教之宗番夷信
嚮丹津以術誘煽使從己大刺麻既從于是遠近風靡游牧番子
刺麻等二十餘萬同時騷動犯西寧掠牛馬抗官兵冬十月命
川陝總督年羹堯為撫遠大將軍駐西寧以四川提督岳鍾琪

疑是考述

為奮威將軍參贊軍務。年羹堯先分兵永昌布隆吉河防其內犯。
南守巴塘裏黃勝關扼敵人入藏之路。又請 敕富寧等屯土
魯番及噶斯泊截其通準噶爾之路。噶斯泊在羅布泊之東。東至
西寧府界二千餘里。復遣諸將分攻鎮南申中南川西川北川。
德等堡潰其黨羽。遂移察罕丹津所部于蘭州。羅卜藏丹津始懼。
歸。索壽請罪不許。十二月各蒙古貝勒貝子公台吉各殺叛兵未
歸。降其脅從部落十餘萬。二年正月岳鍾琪攻党逆刺麻于西寧
東北之郭隆寺。一作格爾弄寺。奪其三嶺。沿途焚其十七寨。廬舍
七千餘。各寨皆破。惟羅卜藏丹津尚負隅于烏呼爾之業達木。距
西寧衛千餘里。年羹堯奏調兵二萬餘由西寧松潘甘州布隆吉

地

河四路進攻岳鍾琪以青海寥闊番衆尚不下十萬人我軍馬深入則敵若散而誘我擊此失彼四面受敵以乃危道也不如乘春草木生以精兵五千馬倍之兼程以擣其不備。世宗壯之。

詔岳鍾琪專任討伐乃大破之羅卜藏丹津衣烏婦衣騎白駝而遁俘其母弟妹等是役也僅十五日往追兩月可謂速矣。

詔封年羹堯為一等公岳鍾琪為三等公勒碑太學如征準噶爾例至是羅卜藏丹津勢蹙遂乞降班師先後闕青海城千餘里分其地以賜各蒙古分二十九旗其喀爾喀土尔扈特輝特等部各自為部不得屬於青海以分厄魯特之勢又不設盟長以西寧辦事大臣蒞盟自後青海始同內地而漸為削弱矣。

又西寧番者北沿甘涼西接回部南界川滇二三百部皆吐
蕃之種而不相統屬明時兀魯特自北路橫述侵之遂後于兀魯特
納租借牧但知有蒙古而不知有中國奏仿土司例設蕃臣改隸于
所衛並定兀魯特之貢市與其地三年一貢分三班九年一周

並置互市于西寧之日月山每歲一會盟遇事遣齎 敕往王

公以下皆跪迎至大通安西沙州柳溝各衛增西寧西北西路防兵
馬步五千設總兵于大通安西而改西寧衛為府青海辦事大臣
于此建牙焉移阿拉善王游牧于山後而收山前為內地以重寧
夏之險並追還明時各國師印 敕每身刺麻母過三百人禁
藏兵器城戍星羅而為青海之一大變也

搜

宗衍曰青海者古之西戎。即雍正織皮昆侖析支渠搜之地。自秦漢以後諸羌繁衍。而一變為吐谷渾。再變為吐蕃。即西藏。三變為厄魯特蒙古。部落屢易。非復古之氏族矣。考漢置河西四郡。隔絕南羌。斷匈奴右臂。明初建重鎮于甘肅。以北拒韃靼。南捍諸番。及至明中。北部得入塞。南與番族相通。致邊患遂棘。本朝開國初。首撫固始汗以通西藏。兼捍甘涼湟洮諸邊。故雖以準噶爾之猖獗。終不敢赴西海。而犯青海。豈非扼吭拊背。明效哉。數十載以來。青海蒙古日弱。而番族日強。故西海諸部畏西番如虎狼。防秋官兵昔常離番以制蒙古者。今反衛蒙古以捍番。盛衰吁還。殆有運數。

奉

而 國家之撫馭亦張弛隨之。或曰青海諸部自秦刺麻
黃教故殺獍稍剽而雄武亦替。惟阿拉善部富強西陲而虎
符董使馳驅旋鉞則霜露而漸靡也。

